

Na osnovu čl. 12 i 14 Zakona o Udruženjima i fondacijama (Službene novine Federacije BiH, broj 45/02) i čl. 37 Zakona o mladima Federacije Bosne i Hercegovine (Službene novine Federacije BiH, broj 36/10), Skupština Vijeća mladih Tuzlanskog kantona na Redovno - Izornoj sjednici održanoj u Tuzli, 15.07.2020., donosi

Izmjene i dopune

STATUT-a Vijeća mladih Tuzlanskog kantona

I OSNOVNE ODREDBE

Član 1.

Ovim statutom uređuje se:

- 1) naziv i sjedište Udruženja;
- 2) ciljeve i djelatnost Udruženja;
- 3) zastupanje i predstavljanje Udruženja;
- 4) organi Udruženja, njihove ovlasti, način imenovanja i opoziva, trajanje mandata, kvorum i pravila glasanja;
- 5) oblik i sadržaj pečata Udruženja;
- 6) sticanje i raspolaganje imovinom;
- 7) način donošenja finansijskog izvještaja i izvještaja o radu;
- 8) postupak za donošenje statuta, izmjena i dopuna statuta i drugih općih akata Udruženja;
- 9) uvjete i način u članjenja, prestanak članstva, kao i prava, dužnosti i odgovornost članova Udruženja;
- 10) uvjete i postupak za pripajanje, razdvajanje, transformaciju ili prestanak rada Udruženja;
- 11) javnost rada Udruženja;
- 12) pravila za raspodjelu preostale imovine u slučaju prestanka rada Udruženja;
- 13) i druga pitanja od značaja za ostvarivanje ciljeva Udruženja.

Član 2.

Udruženje Vijeće mladih Tuzlanskog kantona (u daljem tekstu: Vijeće mladih TK) je slobodna, dobrovoljna, vanstranačka, nepolitička, nevladina i neprofitna organizacija.

Član 3.

Naziv udruženja je Vijeće mladih Tuzlanskog kantona.

Sjedište Vijeća mladih TK je u Tuzli, Bosne Srebrene bb.

Vijeće mladih TK ima svojstvo pravnog lica i djeluje na području Tuzlanskog kantona.

Član 4.

Vijeće mladih TK ima pečat, štambilj i logo.

Pečat Vijeća mladih TK je okruglog oblika, promjera 30 milimetara, s tekstom u vanjskom krugu ispisanim latinicom: Vijeće mladih Tuzlanskog kantona, dok se u sredini nalazi grb kantona i stilizirana slova VM.

Štambilj Vijeća mladih je pravougaonog oblika, dužine 55 mm i širine 20 mm, s istim tekstom kao i na pečatu. U donjem dijelu štambilja ostavljen je prostor za upisivanje podataka za prijem i otpremu službenih akata.

Logo je ispisao stiliziranim slovima „ VMTK „ i predstavlja prepoznatljiv znak Vijeća mladih Tuzlanskog kantona kojeg je usvojila Skupština i koristit će se u korespondenciji i predstavljanju.

Član 5.

Vijeće mladih predstavlja i zastupa predsjednik/ca i generalni sekretar/tajnica Vijeća mladih TK.

II CILJEVI I DJELATNOSTI VIJEĆA MLADIH

Član 6.

Vijeće mladih TK ima obavezu djelovanja na jačanju uključenja mladih u društveni život zajednice i njihovom informiranju.

Vijeće mladih TK ima pravo i obavezu legitimno predstavljati i zastupati interese svojih članica.

Vijeće mladih TK koordinira rad općinskih vijeća mladih na području tog kantona, uključuje mlade u društveni život zajednice i zastupa interese svojih članica.

Vijeće mladih TK je direktno uključeno u proces izrade i provođenja strategija prema mladima u Tuzlanskom kantonu s ciljem doprinosanja usvajanju i provođenju politike prema mladima i programa djelovanja za mlade koji najviše odgovaraju potrebama i pitanjima mladih.

Vijeće mladih TK se bavi provođenjem zajedničkih projekata mladih u Federaciji te članstva i učešća, odnosno predstavljanja pitanja mladih na višem nivou i na međunarodnom planu.

Vijeće mladih TK se bavi i politikama koje se posredno dotiču mladih i koje utiču na opći razvoj i prosperitet te opću društvenu dobrobit, kao i svim ostalim pitanjima koja se indirektno odnose na mlade.

Vijeće mladih TK delegira svoje predstavnike/ce u stručna radna tijela i komisije pri organima kantonalne uprave.

Vijeće mladih TK sudjeluje u javnim raspravama i konsultacijama organa vlasti u procesu usvajanja:

- određene sektorske politike prema mladima,
- programa djelovanja za mlade,
- strategije prema mladima,
- te dijelova budžeta koji se tiču pitanja mladih.

Vijeće mladih TK kao ni njegove članice ne mogu se ni na koji način angažirati u predizbornoj kampanji političkih stranaka, koalicija i nezavisnih kandidata, niti im pružati podršku.

Zabranjene su sve djelatnosti Vijeća mladih TK, koje su na bilo koji način usmjerene ka subverziji ustavnog poretka i koje su u suprotnosti sa Zakonom.

Vijeće mladih TK, kao ni njegove članice, ne smiju se baviti aktivnostima kojima se na bilo koji način raspiruje govor mržnje, širi netolerancija, ksenofobija ili rasizam, te vrši diskriminacija bilo koga po bilo kojoj osnovi.

Član 7.

Ciljevi Vijeća mladih TK su:

- jačanje uključenja mladih u društveni život zajednice,
- jačanje saradnje između članica Vijeća mladih TK i organa lokalne i kantonalne uprave,
- promocija rada s mladima i omladinskog rada,
- popularizacija i širenje svijesti o značaju rada sa mladima i pristupu mladima,
- poboljšanje uslova života mladih u Tuzlanskom kantonu,
- organizacija konferencija, stručnih seminara, savjetovanja, predavanja i sl.,
- izrada strateških dokumenata i operativnih programa iz oblasti rada sa mladima i omladinskog rada,
- organiziranje javnih rasprava, izrada analiza i prijedloga za unapređenje položaja mladih,
- saradnja Vijeća mladih TK s drugim kantonalnim vijećima mladih.

Član 8.

Radi ostvarivanja ciljeva Vijeće mladih TK naročito:

- razmjenjuje informacije, iskustva i primjere dobre prakse među članicama,
- neformalno obrazuje svoje članice i druge zainteresirane strane koje se bave pitanjima mladih,
- izrađuje publikacije radi ostvarivanja svojih ciljeva,
- organizira konferencije, stručne seminare, savjetovanja, predavanja i sl.,
- organizira javne rasprave, izrađuje analize i prijedloge za unapređenje položaja mladih,
- izrađuje i provodi zajedničke programe, kampanje i javne inicijative članica Vijeća mladih TK,
- javno zagovara interese i potrebe mladih,
- sudjeluje u poboljšanju kantonalne politike prema mladima,
- sudjeluje u izradi i provođenju kantonalne strategije prema mladima,
- doprinosi razvoju sporta, kulture, umjetnosti, odgoja, obrazovanja, volonterizma i drugih sfera života od interesa za mlade, a u skladu sa Zakonom,
- pruža savjetodavnu pomoć članicama i pojedinačnim mladim ljudima,
- inicira projekte koji će se baviti pitanjima od posebne važnosti za mlade,
- povezuje se s drugim vijećima mladih,
- sudjeluje u javnim raspravama i konsultacijama organa vlasti,
- potiče mlade ljude da sudjeluju u razvoju demokratskog društva, naročito kroz odgovorno i samostalno djelovanje, kritičko mišljenje, kao i socijalno i solidarno ponašanje,
- potiče mlade ljude na međusobno razumijevanje i spremnost na saradnju u društvu,
- djeluje protiv militarističkih, nacionalističkih, rasističkih i totalitarnih stremljenja članica ili pojedinačnih mladih ljudi,

- potiče cjelokupnu lokalnu zajednicu na primjerenu i prilagođenu ponudu aktivnosti iz oblasti rada s mladima i omladinskog rada,
- sarađuje s neformalnim grupama mladih, potiče njihov razvoj, te ih uključuje u svoje aktivnosti gdje za to postoje mogućnosti,
- zalaže se za ravnopravnost spolova, društvenu uključenost i jednake mogućnosti za sve mlade ljude,
- obavlja druge poslove i zadaće koje su utvrđene propisima iz oblasti rada s mladima i omladinskog rada.

Član 9.

III ORGANI VIJEĆA MLADIH TK

Organi upravljanja Vijeća mladih su:

Skupština, Upravni odbor i Nadzorni odbor. U svim organima upravljanja Vijeća mladih TK potrebno je voditi računa o ravnopravnoj spolnoj zastupljenosti, ukoliko je to moguće. Skupštinu i Nadzorni odbor Vijeća mladih TK sačinjava najmanje 2/3 mladih osoba, dok Upravni odbor sačinjavaju isključivo mlade osobe.

Jedna članica Vijeća mladih ne može imati više od dva nosioca funkcija na pozicijama Predsjednik/ca UO, Predsjednik/ca Skupštine, Podpredsjednik/ca i Predsjednik/ca NO.

Član 10.

Skupština Vijeća mladih TK je najviši organ upravljanja.

Skupštinu Vijeća mladih TK čine vijeća mladih koja su osnovana u skladu s čl. 37 Zakona o mladima FBiH (u daljem tekstu: članice) tj. koja su registrovana na prostoru Tuzlanskog kantona.

Članice delegiraju minimalno po jednog a maksimalno po tri svoja predstavnika/ce u Skupštinu Vijeća mladih TK. Svaki predstavnik/ca ima jedan glas u Skupštini Vijeća mladih TK.

Skupština Vijeća mladih TK:

- 1) donosi Statut, izmjene i dopune Statuta i druge akte određene Statutom;
- 2) daje saglasnost na pravne radnje preduzete u postupku osnivanja Vijeća mladih TK;
- 3) imenuje i opoziva osobu ovlaštenu za zastupanje i predstavljanje Vijeća mladih TK, kao i Upravni i Nadzorni odbor;
- 4) imenuje i opoziva osobe koje predstavljaju Vijeće mladih TK u Vijeću mladih FBiH;
- 5) usvaja izvještaje Upravnog i Nadzornog odbora;
- 6) razmatra i usvaja godišnji plan rada Upravnog odbora Vijeća mladih TK;
- 7) razmatra prijem novih članica u Vijeće mladih TK;
- 8) odlučuje o prestanku rada i drugim statusnim promjenama;
- 9) pomaže u rješavanju sukoba između članica;
- 10) odlučuje o svim drugim pitanjima.

Član 11.

Da bi se Skupština mogla održati, neophodno je prisustvo više od 50% članova Skupštine, s tim da na Skupštini mora biti prisutan najmanje po jedan predstavnik/ca iz 2/3 članica Vijeća mladih TK. Skupština Vijeća mladih TK odlučuje o svim pitanjima apsolutnom većinom članova Skupštine. Glasanje je javno, ako drugačije ne odluči Skupština prije samog glasanja.

Skupština se bira na period od 2 godine.

Skupština je redovna i vanredna.

O održavanju Skupštine moraju biti obaviještene sve članice Vijeća mladih TK u pisanom obliku, najkasnije mjesec dana prije njenog održavanja. Dnevni red mora biti dostavljen svim članicama i udruženjima koja su podnijela zahtjev za članstvo najkasnije 7 dana prije održavanja Skupštine. Članice su dužne dostaviti prijedloge za dnevni red najkasnije 14 dana, a imena svojih predstavnika/ca najkasnije 7 dana prije održavanja Skupštine.

Član Skupštine se bira na period od dvije godine uz mogućnost zamjene istog nakon perioda od 6 mjeseci kojeg delegira članica.

Redovna se Skupština održava jedanput godišnje i saziva je predsjednik/ca Skupštine, te kada to zatraži jedna trećina članova Skupštine.

Vanredna Skupština se saziva po potrebi i na prijedlog Upravnog odbora.

U slučaju da najmanje jedno Vijeće mladih općine iz Tuzlanskog kantona podnese zahtjev za članstvo u Vijeću mladih TK, Upravni odbor može zatražiti održavanje vanredne sjednice Skupštine na kojoj je prijem novih članica prva tačka dnevnog reda.

Predsjednik/ca Skupštine saziva sjednice Skupštine, predsjedava sjednicama i brine o provođenju odluka koje donosi Skupština.

Predsjednik/ca Skupštine ne može biti član Upravnog odbora ni Nadzornog odbora Vijeća mladih TK.

Mandat članovima Skupštine Vijeća mladih TK prestaje:

- istekom vremena na koje su birani,
- ostavkom,
- opozivom matične članice,
- prestankom članstva članice u Vijeću mladih TK.

Član 12.

Bliže odredbe o načinu rada Skupštine, glasanja, odlučivanja, upućivanja poziva za sjednice, vođenja zapisnika i drugim pitanjima od značaja za rad Skupštine uređuju se Poslovníkom o radu Skupštine.

Član 13.

Upravni odbor Vijeća mladih TK broji onoliko članova koliko Vijeće mladih TK ima članica.

Članice delegiraju po jednog svog predstavnika/cu u Upravni odbor Vijeća mladih TK na period od dvije godine. Svaki predstavnik/ca članice ima jedan glas u Upravnom odboru.

Član Upravnog odbora ne mora biti član Skupštine Vijeća mladih TK.

Član Upravnog odbora ne može biti član Nadzornog odbora Vijeća mladih TK.

Upravni odbor sastaje se dva puta godišnje a po potrebi češće, na pisani poziv predsjednika/ce Vijeća mladih TK ili najmanje 50% članova Upravnog odbora.

Upravni odbor donosi odluke apsolutnom većinom članova Upravnog odbora.

Upravni odbor:

- 1) priprema sjednice Skupštine;
- 2) priprema i predlaže nacrt izmjena Statuta i drugih akata koje donosi Skupština;
- 3) provodi politiku, zaključke i druge odluke koje je donijela Skupština;
- 4) predlaže Skupštini godišnji plan rada Vijeća mladih TK;
- 5) donosi Poslovnik o radu Upravnog odbora;
- 6) upravlja imovinom Vijeća mladih TK;
- 7) raspolaže sredstvima Vijeća mladih TK;
- 8) podnosi godišnje i druge izvještaje o svom radu i finansijske izvještaje Skupštini na usvajanje;
- 9) ostvaruje kontakte i saradnju s organima javne uprave, drugim udruženjima i institucijama, pravnim i fizičkim licima, radi ostvarivanja interesa i potreba Vijeća mladih TK;
- 10) stara se o primjeni Statuta;
- 11) vodi brigu o zastupanju i predstavljanju Vijeća mladih TK u federalnom vijeću mladih;
- 12) obavještava članice i javnost o svom djelovanju;
- 13) obavlja druge poslove određene statutom;
- 14) odlučuje o formiranju radnih tijela Vijeća mladih TK.

Član 14.

Predsjednik/ca Vijeća mladih TK je predsjednik/ca Upravnog odbora Vijeća mladih TK.

Predsjednika/cu Vijeća mladih TK bira Skupština iz reda članova Upravnog odbora, na mandat od dvije godine, s mogućnošću ponovnog izbora.

Predsjednik/ca Vijeća mladih TK ne može biti predstavnik/ca ni član iste članice iz koje dolazi predsjednik/ca Skupštine ili predsjednik/ca Nadzornog odbora. Predsjednik UO ne može biti državni službenik.

Predsjednik/ca Vijeća mladih TK u vršenju svoje funkcije:

- predstavlja i zastupa Vijeće mladih TK,
- potpisuje opća i pojedinačna akta koje donosi Upravni odbor,
- usklađuje i koordinira rad Vijeća mladih TK,
- podnosi godišnje ili periodične izvještaje o svom radu i finansijske izvještaje Skupštini na usvajanje,
- priprema materijale za sjednice Upravnog odbora;
- vrši i druge poslove u skladu sa Zakonom, Statutom i drugim općim aktima Vijeća mladih TK.
- Predsjednik UO ne može biti izabra na funkciju u izvršnoj i zakonodavnoj vlasti, niti koristiti Vijeće mladih TK u svrhu političke promocije.

Član 15.

U slučaju odsutnosti ili spriječenosti predsjednika/ce Vijeća mladih da obavlja funkciju, zamjenjuje ga zamjenik/ca predsjednika/ce kojeg bira također Skupština iz reda članova Upravnog odbora. Zamjenik/ca predsjednika/ce također može predstavljati i zastupati Vijeće mladih TK. Zamjenik/ca predsjednika/ce brine se o realizaciji zadataka u skladu sa dogovorenim raspodjelom zaduženja. Zamjenik/ca predsjednika/ce je odgovoran za jačanje organizacije i uspješnost njenog djelovanja prema raspodjeli zadataka.

Član 16.

Nadzor nad namjenskim korištenjem i raspolaganjem sredstava, kao i nadzor nad radom Vijeća mladih TK obavlja Nadzorni odbor Vijeća mladih TK. Nadzorni odbor broji 3 člana/ice.

Nadzorni odbor sastaje se najmanje dvaput godišnje, na pisani poziv predsjednika/ce Nadzornog odbora ili najmanje 50% članova Nadzornog odbora.

Nadzorni odbor donosi odluke apsolutnom većinom članova Nadzornog odbora.

Član 17.

Za obavljanje stručnih poslova koji su potrebni za nesmetano provođenje programskih ciljeva Vijeća mladih TK, mogu se zaposliti stručne osobe.

Proceduru izbora i imenovanja osoba iz prethodnog stava odredit će Upravni odbor u skladu sa Zakonom.

Zaposlene stručne osobe u Vijeću mladih TK ne mogu biti članovi Nadzornog odbora.

IV ČLANSTVO U VIJEĆU MLADIH

Član 18.

Punopravno članstvo u Vijeću mladih TK mogu dobiti isključivo Vijeća mladih sa prostora Tuzlanskog kantona, nakon što podnesu pisani zahtjev Skupštini Vijeća mladih TK i nakon što budu prihvaćena na sjednici Skupštine.

Općinska vijeća mladih koja su sudjelovala na Osnivačkoj skupštini Vijeća mladih TK automatski su članice Vijeća mladih TK. Nove članice stiču punopravno članstvo nakon završetka tačke dnevnog reda sjednice Skupštine na kojoj su postale članice, ukoliko ispunjavaju uslove iz Zakona o mladima FBiH.

Pristupanje Vijeću mladih TK je dobrovoljno.

Skupština Vijeća mladih TK ne može ograničiti primanje i pristupanje novih članica ukoliko one ispunjavaju uvjete iz Zakona o mladima FBiH i ukoliko ne postoje druge zakonske prepreke.

Član 19.

Članica Vijeća mladih TK može biti isključena iz članstva u Vijeću mladih TK odlukom Skupštine, ukoliko se utvrdi da po definiciji Zakona o mladima FBiH nije više općinsko vijeće mladih ili ukoliko postupa suprotno ciljevima i Statutu Vijeća mladih TK, kao i njegovim pravilima rada.

Prije donošenja odluke o isključenju članica Vijeća mladih TK mora biti obaviještena o prijedlogu za isključenje, kao i o razlozima zbog kojih se predlaže isključenje. Članici se mora ostaviti rok najmanje od 7 dana a ne više od 15 dana za izjašnjenje o pokrenutom prijedlogu za isključenje iz Vijeća mladih TK, kao i za podnošenje dokaza o ispunjavanju uvjeta za daljnje članstvo.

Članica Vijeća mladih TK može i sama istupiti iz članstva, nakon što u pisanom obliku o istupanju obavijesti predsjednika/cu Skupštine.

Članica koja je isključena ili je sama istupila iz Vijeća mladih TK može podnijeti zahtjev za ponovno učlanjenje najranije nakon 6 mjeseci od dana donošenja odluke Skupštine o iščlanjenju.

Članica koja je istupila ili je isključena iz Vijeća mladih TK gubi sva prava koja imaju članice Vijeća mladih TK.

Član 20.

Članice Vijeća mladih TK imaju sljedeća prava:

- a) birati i biti birane u organe Vijeća mladih TK,
- b) aktivno sudjelovati u ostvarivanju ciljeva Vijeća mladih TK,
- c) biti redovno i pravovremeno obavještavane o aktivnostima Vijeća mladih TK,
- d) sarađivati s ostalim članicama Vijeća mladih TK,
- e) čuvati i podizati ugled Vijeća mladih TK,
- f) preko izabranih predstavnika/ca predlagati odluke i sudjelovati u donošenju odluka Vijeća mladih TK,
- g) ostvarivati druga prava i dužnosti utvrđena ovim Statutom i drugim općim aktima Vijeća mladih TK,
- h) istupiti iz Vijeća mladih TK, u skladu s čl. 19. Statuta.

Članice Vijeća mladih TK kroz svoje izabrane predstavnike/ce u organima Vijeća mladih TK imaju sljedeće obaveze:

- a) prisustvovati sjednicama Skupštine Vijeća mladih TK čiji su članovi, te sudjelovati u radu, predlaganju rješenja i odlučivanju,
- b) davati prijedloge u vezi s radom organa Vijeća mladih TK,
- c) sudjelovati u izradi akata Vijeća mladih TK,
- d) predlagati inicijative u cilju poboljšanja životnih uvjeta mladih u Tuzlanskom kantonu,
- e) sudjelovati u kreiranju i provođenju strategije prema mladima Tuzlanskom kantonu,
- f) redovno i pravovremeno obavještavati Vijeće mladih TK o svom djelovanju,
- g) čuvati ugled Vijeća mladih TK,
- h) djelovati u skladu s programom i ciljevima Vijeća mladih TK,
- i) onemogućiti bilo kakvu političku, vjersku, spolnu ili rasnu diskriminaciju i spriječiti favoriziranje bilo kakvih interesa na štetu interesa mladih,
- j) usmjeravati i usklađivati svoje međusobne odnose u zajedničke interese radi postizanja ciljeva Vijeća mladih TK u skladu sa Zakonom, Statutom i drugim normativnim aktima,
- k) preko Vijeća mladih TK ostvarivati kontakte i saradnju s organima uprave, institucijama i drugim subjektima koji mogu doprinijeti poboljšanju položaja mladih,

- l) zagovarati mjere i radnje za poboljšanje položaja mladih na prostoru na kojem Vijeće mladih TK djeluje,
- m) izrađivati i staviti na raspolaganje podatke i izvještaje koje bude tražilo Vijeće mladih TK u cilju promocije Vijeća mladih TK u javnosti i vođenja statistike,
- n) pridržavati se Statuta Vijeća mladih TK, zaključaka, odluka i drugih akata Vijeća mladih TK,
- o) lokalna vijeća mladih, članice Vijeća mladih TK dužne su podnositi godišnje izvještaje o radu kao i bilanse stanja i uspjeha Vijeću mladih TK,
- p) ukoliko članice Vijeća mladih TK ne ispunjavaju svoje obaveze regulisane ovim Članom Statuta i ukoliko se utvrdi da po definiciji Zakona o mladima FBiH nije više vijeće mladih ili ukoliko postupa suprotno ciljevima i Statutu Vijeća mladih, kao i njegovim pravilima rada, članica Vijeća mladih može biti isključena iz članstva u Vijeću mladih odlukom Upravnog odbora.

V STJECANJE I RASPOLAGANJE IMOVINOM

Član 21.

Udruženje može stjecati prihode iz sljedećih izvora:

- a) članarine,
- b) nepovratnih grantova za provođenje projekata,
- c) dobrovoljnih priloga fizičkih i pravnih lica,
- d) pružanjem usluga u skladu s ciljevima Vijeća mladih TK,
- e) subvencija i ugovora s organima vlasti, javnim institucijama, fizičkim i pravnim licima, domaćim i međunarodnim organizacijama,
- f) drugih izvora u skladu sa Zakonom i Statutom.

Političke stranke ne mogu ni na koji način materijalno i finansijski potpomagati rad Vijeća mladih TK, kao ni njegovih članica.

O stjecanju prihoda, korištenju imovine i raspolaganju sredstvima Vijeća mladih TK odlučuje Upravni odbor Vijeća mladih TK u skladu s ovim Statutom i općim aktima Vijeća mladih TK.

Član 22.

Vijeće mladih dužno je uredno voditi poslovne knjige u skladu sa Zakonom i sastavljati finansijske izvještaje, saglasno važećim propisima.

Član 23.

Kontrolu finansijskog poslovanja Vijeća mladih TK vrši Nadzorni odbor Vijeća mladih TK. Osoba koja je ovlaštena potpisivati akte koji se odnose na stjecanje i raspolaganje imovinom Vijeća mladih TK i finansijsko poslovanje jeste predsjednik/ca Upravnog odbora.

VI JAVNOST RADA

Član 24.

Rad Vijeća mladih TK je javan.

Javnost rada se ostvaruje:

- a) javnim održavanjem sjednica svih organa Vijeća mladih TK i pozivanjem na prisustvo predstavnika/ca organa Kantona i medija,
- b) pravovremenim dostavljanjem izvještaja o radu svojim članicama, organima vlasti, medijima, te drugim zainteresiranim stranama.

Članovi organa Vijeća mladih TK neće učiniti dostupnim javnosti podatke koji se proglase internim.

Član 25.

Za javnost rada Vijeća mladih TK brine se Upravni odbor Vijeća mladih TK.

VII STATUT I DRUGI OPĆI AKTI VIJEĆA MLADIH - IZMJENE I DOPUNE STATUTA

Član 26.

Inicijativu za izmjene i dopunu Statuta može podnijeti svaka članica Vijeća mladih TK. Inicijativa se podnosi Skupštini, u pisanom obliku i s odgovarajućim obrazloženjem.

Prijedlog za izmjene i dopune Statuta utvrđuje Skupština. Utvrđeni prijedlog dostavlja se Skupštini Vijeća mladih TK najmanje 14 dana prije dana održavanja sjednice Skupštine.

O izmjenama i dopunama Statuta odlučuje Skupština Vijeća mladih TK, u skladu s čl. 10 Statuta.

Član 27.

Pored Statuta Vijeće mladih TK može donositi i druge opće akte i to: odluke, pravilnike i poslovnike.

Opći akti Vijeća mladih TK moraju biti u skladu sa Zakonom i Statutom.

VIII STATUSNE PROMJENE, PRIPAJANJE, RAZDVAJANJE I TRANSFORMIRANJE UDRUŽENJA

Član 28.

Vijeće mladih TK se ne može pripojiti drugom udruženju.

Vijeće mladih TK se ne može razdvojiti na dva ili više udruženja.

Vijeće mladih TK postaje osnivačem i članicom federalnog vijeća mladih nakon što budu ispunjeni uvjeti za formiranje federalnog vijeća mladih, u skladu sa Zakonom o mladima FBiH.

IX PRESTANAK RADA VIJEĆA MLADIH

Član 29.

Vijeće mladih TK može prestati s radom dobrovoljno ili po sili zakona.

Vijeće mladih TK prestaje s radom ako Skupština Vijeća mladih TK donese odluku o raspuštanju.

Istovremeno s odlukom o raspuštanju Vijeća mladih TK, Skupština donosi plan likvidacije Vijeća mladih TK, kojim se utvrđuje raspored imovine, prava i obaveze Vijeća mladih TK, u skladu sa Statutom.

U skladu sa Zakonom o udruženjima i fondacijama FBiH, smatrat će se da je Vijeće mladih prestalo djelovati:

- 1) ako je proteklo dvostruko više vremena od vremena utvrđenog Statutom za održavanje Skupštine, a Skupština Vijeća mladih nije održana;
- 2) ako se broj članica u Vijeću mladih smanji ispod tri članice, a Skupština u roku od tri mjeseca od dana nastupanja ove okolnosti ne donese odluku o prijemu novih članica.

X PRIJELAZNE I ZAVRŠNE ODREDBE

Član 30.

Na pitanja koja nisu uređena Statutom primjenjuju se odredbe Zakona o udruženjima i fondacijama FBiH, kao i Zakonom o mladima FBiH.

Opća akta Vijeća mladih TK donijet će se u roku od 90 dana od dana usvajanja ovog statuta.


Tumačenje Statuta daje Skupština Vijeća mladih TK.

Član 31.

Statut stupa na snagu danom usvajanja na Osnivačkoj skupštini Vijeća mladih TK, a primjenjivat će se od dana upisa u Registar kod nadležnog ministarstva.

U Tuzli, 15.07.2020.

Broj odluke: S-3-20


Predsjednica Skupštine

